



## Universitätsbibliothek Paderborn

**Diatribai De Primis Veteris Frisiae Apostolis, Sive  
Dissertationes, quibus eoru[m] anni, actus, res,  
personae, loca, tempora in eorundem actis occurrentia,  
discutiuntur, illustrantur, erroresque ab ...**

**Bosschaerts, Willibrord**

**Mechliniae, 1650**

Rudera nunc, Et seges est vbi Troia fuit, resecandaq[ue] falce Extero  
floret vomere pinguis humus.

**urn:nbn:de:hbz:466:1-10958**

Gertrudis viduæ Saxoniam, Theodorici 5. Florentij 2. Theodoricus 6. Theodorici 7.

Rudera nunc,

*Pi seges est ubi Troia fuit, ressecandaq; falce  
Externo floret vomere pinguis humus.*

F Atalis S. Adelberti hora incidit in septimas Kalendas Iulij communi consentiente testimonio. Annum, ut & Werentius apud vetustiores non reperio: solum apud Dou-sam Annalium Hollandiae lib. 7. ex Chronico quodam ante annos 370. manu exarato legitur: *Adelbertus in loco qui dicitur Ekmonda, usq; ad obitum suum apud quemdam Egonem usq; ad tempus Caroli bellicosi Duxis Martellum intellige man- sit, & circum positam Regionem ad Christianam fidem ex magna par- te perduxit & in eadem villa sepultus est. Super cuius sepulchrum fide- les Ecclesiam construxerunt, quam à Danis saepius constat esse de- structam: Dei tamen prouidentie gratia inibi semper aliquis remansit qui corpus S. viri honeste seruauit.* Ita ille, ex quo collige pre- dictationem S. Adelberti peruenisse ad minimum usque in annum 714. quo, Herstallo defuncto, Carolus gubernacula obtinuit; quod mihi longè verius est quam quod R. V. author Antiquitatū Belgicarum afferat eum obiisse anno 705. Leuita intitulatur, non, quantum existimare licet, quod Sacerdos non fuerit, alias enim saluti Gentilium & fidelium parum utilis extitisset, sed, vel quia in primo aduentu solum Leuitae gradum habuerit, vel apud Willibrotum initio id officij obierit.

Prosequitur Marcellinus: *Etego Marcellinus Presbyter inau- tilis à vrefatis Pontificibus missus ad partes Transsalanas, o cum Al- denscet, Trentam, Twentiam & Conordiam ac Dauentriam rego, &*

P p

Dei

Re-  
cim  
The-  
ji.  
rudi-

*Dei p[ro]videntia[rum] totum ferme populum Christum predicando lucer-  
sus sum.*

Verbis istis, Ego Marcellinus, scilicet, huius scripti Author, nigrum theta atfigo, cum ex dictis & dicendis satis constet huius libri compositorem non esse S. Marcellinum Frisiæ Apostolum S. Willibrordi cooperatorem, verum alium longè recentiorem, sua sub nomine S. Marcellini venditantem. Contra quem etiam facit, quod probabilissimum sit recensita Patrie Vrbiumque nomina post tempora Willibrordi prius usum sumpsiisse; In honorem nihilominus nostri Apostoli paucis enucleemus.

Transisalania, vulgo Querijssel / à situ trans Isalam nomen accepit, tametsi pars illius fluminis eluuione ripam mutarit. Clauditur nunc Geldria, Frisia, Westphalia. Veterum Francorum habitationem fuisse Iunius demonstrat, qui Franci distincti erant in Ansuarios & Salios. Duiditur hodie regio in tres partes: quarum, quæ Isalæ fluo vicina, D'isale vulgo, latine Salandia: quæ vero trans Vidrum (Drecht) sita Drent / siue Drenta, quæ autem Westphaliæ proxima, Twent siue Twentia appellatur. Continet Prouincia 7. vrbes mænibus cinctas, inter quas principales sunt Dauentria, Swolla, Cæmpi. An illi nomen Transisalaniæ tempore S. Willibrordi fuerit cognitum, admodum dubito: Verosimilius mihi non nisi communi Frisiæ vocabulo gauisam fuisse: & h[ic], sicut in sequentibus nominibus, aliquid Pseudomarcelliniani odiis spirare.

Aldenseel / latine Oldensalia, quasi vetus Salia, quod ibi antiqui Salij sedes habuisse putentur. Ciuitas est Transsalaniæ in Twentia.

In Twenta/ Twentiâ Tubantes Taciti lib. 1. & 13. An-  
nalium

nalium: In Trenta seu Drenta Cæ saris Tenchters Fran-  
corum socios & Clientes confedisse , affirmat Junius.

Couordia, Municipium est in Drenta ex decem prima-  
rijs Transsalaniæ locis non muratis , qui amplissimis do-  
tati sunt priuilegijs ; Hodie ab vñtarum Prouinciarum  
Ordinibus valide munitum.

Dauentria primaria vrbs Prouinciæ & Ansuariorum;  
vnde apud vulgares Ausenstadt. Situs illi ad dextram Isa-  
læ ripam, à quo illi accedit magnum munimentum & or-  
namentum. Est namque nunc ambitu magna , edificijs  
publicis celebris , eedium pulcherimiarum frequentiâ ni-  
tide culta , ciuibus plena, mercionijs famosa. Genuit  
Gerardum cognomine Magnum institutorem Clericorum  
seu Fratrum vitæ communis , cuius vitam fusè scripsit  
Thomas à Kempis. Quidam vrbi à potente quodam Da-  
uone S. Lebuino familiarissimo sub Gregorio 3. Ultraie-  
ctenium Præsule appellationem obtigisse tradunt : alij à  
Twent, alij à Drēt tractam volunt. ego huiuscemodi remo-  
ram mihi non libenter iniicio.

Concludens hoc caput 14. Marcellinus, addit: Perman-  
stiq. s. Willibrordus in Diœcesi sua Traiectensi feruenter prædicando  
&c. Quod verissimum esse dissertatione 123. probabi-  
mus contra vnius aut alterius malefanam scriptiōnem.

Quandoquidem iam occupati fuerimus repellendis vi-  
tijs cap. 14. Marcelliniani , hac occasione. simul ex-  
purgemus quædam eiusdem Marcellini præcedentia. Ac  
1. quod in præfatione ad Gregorium Clericos siue Reli-  
gioſos in Ecclesia Ultraiectina residentes nominet Cano-  
nicos, Dominos & Magistros. Item cap. 4. Swibertum  
esse creatum Canonicum ut Wigbertum c.5. cap. 14. Win-  
fridum, quæ certe non sunt à manu veri Marcellini. nam  
cum primi illi Apostolici viri ex Anachorismo & Mona-  
chismo

chismo in Angliae & Hiberniae Monasterijs prodijssent, non est vero simile eos nomen hoc assumptissimum, aut inter se usos fuisse, sed humiliori & Monachis siue veri nominis Religiosis magis competente. 2. Molanus lib. 1. de Canonicis cap. 3. multis ostendit Clericos Ecclesiarum Cathedralium & Collegiatarum antiquis illis saeculis dictos fuisse fratres, quam nomenclaturam non modo in Regula S. Augustini legi, sed passim obuiam esse in multarum Ecclesiarum Erectionibus, dotationibus, Prive-  
gijs & constitutionibus. Et quidem eiusdem nomencla-  
turæ leguntur pluria testimonia in Ecclesia Ultraiectina,  
ut non sit opus aliunde probationes aduocare. 1. Bulla est  
Hendrici tertij Imperatoris qua anno 1040. sub Bernul-  
pho Episcopo vigesimo donat Ecclesiæ Ultraiectensi vil-  
lam Groningam in Comitatu Thrente cum omnibus eò  
pertinentibus ut dictum prædiū perpetualiter respondeat seruitio  
& utilitati Fratrum ibi Deo incessabiliter seruientium, &c.

Diploma Ottonis primi quo donat anno 944. eidem Ec-  
clesiæ sub Baldrico Episcopo 15. totum quod in Pago Li-  
ke possidebat ad usum Fratrum pre memorata Pontificalis Cathedra  
in duobus Monasterijs insibi Deo famulantium, &c.

Et regnante Ottone tertio Frethebaldus nobilis  
bona sua in Teisterbantiâ sita donauit anno 997. S. Martino,  
partim pro stipendiali usu Fratrum Pontificalis Cathedra, par-  
tim pro Fratribus viriusq. Monasterij. Scilicet Saluatoris &  
Martini. Monasteria vero illa non fuisse Monachorum aut  
Religiosorum votis constrictorum, sed Clericorum in  
communi sine votis agentium, doctum est diff. 80.

Godebaldus Episcopus vigesimus quartus frater-  
nae charitati condescendens, donat anno 1118. Eccle-  
siam quandam in Occidentali Fresia in villa quæ Meden-  
blec vocatur cum omnibus suis appendentijs & censu ad  
ca-

## DISSERTATIO LXXXIV. 301

cameram Episcopalem pertinente & circatu, & oblationibus utilitati Fratrum in Ecclesia B. Martini Deo famulantium, &c. Litteras dictatum donationum integras profert. G. Heda in Historia rerum Ultraiect. Et talem nomenclaturam Fratrum passim occurtere in antiquis scriptis ceterarum quoque Ecclesiarum, Leodiensis, Cameracensis, Tornacensis, Atrebaten sis, & Morinensis affirmat Molanus. Si in Cathedralibus, magnificeis Collegijs, quantum magis in simpliciter Collegiatis aut tenuioribus fratribus dici amabant: si posterioribus istis temporibus, quibus humilitas multum deficiebat, quanto magis anterioribus. Quod si reperiantur Canonici nonnunquam scribi, sit tantum, ut eorum qualitas significetur, tum ad distinctionem Acephalorum qui sine Canone vagabatur; tum ad differentiam proprie ditorum Monachorum. Unde probabile est hunc Marcellinum scriptorem vixisse illis saeculis quibus reliqua vita communi & abiecto nomine Fratrum tamquam nimis vili, visitate cooperunt nominari tam inter se quam apud alios, Canonici, Domini Canonici, Domheeren, &c.

Capite 4. quod totum scabiosum est, habet: eodem tempore tanta erat deuotio hominum Angliegarum, postquam tota insula fidei sacramentis erat imbuta, ut non solum nobiles, ignobiles, clerici, laici, verum etiam Reges & filii regum de gente Anglorum, spretis regnis & delitijs mundi eligerent ex maxima deuotione ad tempus peregrinari pro Christo in terris: Quidam ad docendum indoctos, ut Columbanus Sanctus Abbas, qui cum duodecim Clericis Galliam perlustravit, & in fide confirmavit: quidam ad visitandum loca Sanctorum, utpote CradWala præpotens rex Anglia, & Offare rex Cantuariorum: qui anno ab incarnatione Domini sexcentesimo octuagesimo nono Romanum proficentes, relictis regnis temporalibus ut caelestis regni introitum & aeterna gaudia adipisci possent à

P. p. 3.

S. Papa

S. Papa Sergio in monachos attensi regi regum deuotè militarunt,  
 Quibus verbis quinque aut sex lethales ictus infligit ve-  
 ritati. Primò, quod Offam intitulet regem Cantuariorum,  
 contra Bedam & concordem omnium Anglicorum hi-  
 storicorum consensum, qui omnes conueniunt eum non  
 Cantuariorum, sed Orientalium Saxonum fuisse regem.  
 De eo habet Malmesburiensis : Orientalium Saxonum pau-  
 co tempore regnum moderatus est Offa filius Sigerij iuvenis io-  
 cundi vultus & animi, atatis floride & maximi apudcives amoris,  
 qui hortatu King with Pendæ regis filie, cuius nuptias suspirauerat,  
 celestes suspirare doctus amores, Romam cum Kenedo rege Mercio-  
 rum & Beato Egwino Episcopo Wictiorum iuit, ibique attensus Reg-  
 ia celica suo tempore subiuit.

Secundò, quod scribat Cradwallam, Ceadwallam debui-  
 set dicere, cum Offa esse peregrinatum Romam, qui om-  
 nium eorundem Historicorum consensu, non cum Cad-  
 walla, qui regnum inchoauit anno 686. & post duos annos  
 regiminis iam diu obierat, sed cum Merciorum Rege  
 Kenredo Offa Romam est profectus.

Tertiò, quod scribatur Romam profecti anno 689. quod  
 omnibus iisdem repugnat. Nam Offa primò cœpit regna-  
 re circa annum 701. & Kenredus regnum inchoauit circa  
 annum 704. & teste Malmesburiensi quinto anno sui re-  
 giminis Romam iuit.

Quartò, quod scribatur Cradwalla præpotens Rex An-  
 gliæ; illud enim nomen Britannia tum non ferebat; erat  
 que Cedwalla solum Rex Occidentalium Saxonum.

Quintò, quod scribatur Ceadwalla factus Monachus, si-  
 milius contra cōmuniem Anglorum sententiam, qui om-  
 nes solum affirmant eum Romam profectum à Sergio  
 Pontifice Baptizatū & intra octiduum, quo in albis noui-  
 ter baptizati agere consueuerant, obiisse, & hoc notius esse  
 quam

quam ut nostro indigeat illustrari relatu inquit Malmesburiensis lib. 1. de gest. Regum Anglorum. vide etiam Huntondonensem lib. 4. qui eius Epithaphium Romę positum refert, in quo eadem narrantur & nihilum de monachatu. Offa verò & Kēredus Rex Merciorum simul Romam profecti ibidem monachismum amplexati sunt. Beda lib. 5. cap. 20. Malmesburiensis, Huntondonensis supra, Harpfeldius saeculo 8. cap. 8.

Eodem cap. Marcellinus: Angli foras peregrinantur, *Quidam ad docendum indoctos ut Columbanus Sanctus Abbas, qui cum 12. Clericis &c. Quasi Colubanus in Gallias concessisset eo tempore dum S. Swibertus in Monasterio Angliae ageret Abbatem Dacorensem sub Egberto Archiepiscopo Eboracensi, cum S. Columbanus centū facile annis eō iuerit quam S. Swibertus cum S. Willibrordo in Frisiā, ut patet ex eius aëtis apud Historicos relatis. Obiit namque Columbanus anno 614. aut certè non longe post cum S. Willibrordus. & Swibertus in mundum nondum emerserant, & cum 30. plus minus annis tam in Gallia quam in Italia egisset.*

Secundò, recenset inter Anglegenās Columbanum esse Anglum, cum tamen non solum omnes Hybernicarum rerum scriptores, sed & paßim alij eum faciunt Hybernum & ex Hybernia Galliam petiisse. De eo multa habet Historia Gregorij Turonensis siue Appendix ad annum 14. Theodorici Regis à quo eo anno in exilium est cieñus. Vide etiam vitam B. Euystatij discipuli S. Columbani apud Surium recentiorem.

Similiter Iudocum & Winocum connumerat genti Anglegenarum & filios. Regis Angliae. Credo scriptorem hunc legisse eos venisse ex Britannia & ignorans aliam Britanniam quam Transmarinam, quę modò Anglia vocatur

**DE PRIMIS VETERIS FRISIÆ APOSTOLIS**  
 tur existimauit eos inde hoc transfretasse, cum solùm ve-  
 nerint ex Britannia minori quæ est pars Franciæ: pater  
 enim Winoci erat Iudicail Rex Britonum de quo agit Ga-  
 guinus in Historia Francica. Vide Molanum in natali-  
 bus sexta nouembris: Miræum in fastis & Annalibus Bel-  
 gicis ad annum 695. an Winocus fuerit frater Iudoci, vide  
 eundem in Annalibus ad dictum annum.

### DISSERTATIO LX XX V.

#### De B. Begga Apostolicorum Virorum fautrice & adjutrice.



N calatum quoque nostrum venire  
 conuenit B. Beggæ, tū quod Illustris-  
 simi Principis Pipini Herstalli, cuius  
 auspicijs, authoritate, ope, Frisia ad  
 Christum est promota, genitrix fue-  
 rit: tum quod credibile sit eam Apo-  
 stolicorum Doctorum, ut Amandi, Eli-  
 gij, desideratissimam, S. Willibrordo  
 apud natum plurimum fauoris conciliaffe Frisiæque salu-  
 tem, quantum in ipsa fuit, adiuuisse; tum quod in actis  
 nostrorum Sanctorum eius memoria nonnumquam oc-  
 currat.

Oriunda est stemmate nobilissimo pariter & sanctissi-  
 mo, patre S. Pipino Landensi Austrasiæ Principe, in se-  
 rie Brabantiae Ducum primo, matre S. Itta alias Iduber-  
 ga. Cognati, affines pœnè omnes nota sanctitatis cele-  
 bres, ut S. Gertrudis soror fundatrix (potius confunda-  
 trix cum Matre) & prima Abbatissa Cœnobij Nieuellensis  
 totius Brabantiae antiquissimi: Grimoaldus frater, Major  
 domus